

"DIE BLINKKLIPPIE"

WEEKLIKSE NUUSBRIEF VAN GEREFORMEERDE KERK POSTMASBURG

(Jaargang 23 - nr. 6-7)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."

Johannes 1:14

12 Februarie 2023

EREDIENS: dr. Petrus Venter

Erediens – 9h30

LITURGIESE GEGEWENS

Skriflesing: Markus 8:34 – 9:13

Teks: Markus 9: 7-8

Sing- VOORAF SANG: Ps. 118: 1, 7

TYDENS EREDIENS: Ps. 80:1, 6;

Ps. 36:2; Ps. 133:1, 2; Ps. 117:1

Markus 9: 7-8 ... **7 Daar het toe 'n wolk gekom wat sy skaduwee oor hulle laat val het; en uit die wolk het daar 'n stem gekom: "Dit is my geliefde Seun. Luister na Hom."**

8 En meteens, toe hulle weer kyk, sien hulle niemand meer nie, net Jesus alleen by hulle. ('83 Vert)

Markus 9: 7-8 ... **7 En daar kom 'n wolk wat hulle oordek; en uit die wolk kom 'n stem wat sê: Dit is my geliefde Seun, luister na Hom!**

8 En meteens kyk hulle rond en sien niemand meer by hulle nie, behalwe Jesus alleen. (1933 '53 Vert)

Vooraf sang: **Ps. 118: 1, 7**

Ontmoetingsdiens

Votum

Lofsang: Ps. 80:1, 6 (Ps. 94 se wysie)

Geloofsbelydenis

(Apostoliese Geloofsbelydenis)

Verootmoediging en versoeningsdiens

Wet

Sing:

Ps. 36:2

Woorddiens

Gebed

Sing:

Ps. 133: 1, 2

Skriflesing: Markus 8:34- 9:13

Teks: Markus 9: 7-8

Preek

NET JESUS ALLEEN BY HULLE

Dankgebed

Kollekte

Liefdesdiens kollekte – DVB (Diakonie)

By die deure – Teologiese Studentekas

Slotsang

Sing-

Ps. 117: 1 (Ps. 59 se wysie...2de melodie)

Wegstuurseën

KOLLEKTES

Vandag: 12 Februarie 2023

In die banke: DVB (Diakonie)

By die deure: Teologiese Studentekas

Sondag: 19 Februarie 2023 (Voorbereiding)

In die banke: DVB (Diakonie)

By die deure: Ekumenisiteit Buiteland

U kan die SnapScan kode gebruik om u kollekte aan die diakonie af te dra ...



Snap here to pay

SnapScan

WYK – DIENSBEURT

Sondag – 12 Feb. 2023 Wyk 5

Ouderling: Br Lukas Potgieter

Diaken: Br Lombard Niesing

Wyksuster:

VERJAARSDAE

Saterdag 11 Feb. Karla Coetzee

Saterdag 11 Feb. Karlien Coetzee

Dinsdag 14 Feb. Lombard Niesing

Donderdag 16 Feb. Johan Reinecke

Sondag 19 Feb. Mizahn Potgieter

Dinsdag 21 Feb. Jolané Muller

Mag u 'n geseënde nuwe lewensjaar ingaan (ingegaan het) met die volle oortuiging dat ons tye is in die Here se hande.

LIEF EN LEED

Sr Lientjie van der Walt se pa is op Dinsdag 7 Februarie oorlede. Ons bid haar en gesin en geliefdes die troos van die Here toe. Hy is die afgelope Vrydag begrawe.

Sr Fransie Venter is in Kathu hospitaal opgeneem. Ons vertrou dat die behandeling geseënd mag wees en dat sy spoedig haar kragte mag herwin.

Br Pieter du Plessis is in MediClinic in Bloemfontein. Hy het een of ander infeksie in van die kussinkies tussen die rugwerwels. Dit veroorsaak baie pyn. Hulle het ook 'n beenmurg biopsie op hom gedoen. Mag die Here ons broeder genade verleen om deur die seer geduldig op uitkoms te wag.

Sr Miemie Snyman wat haar voet baie seergemaak en haar enkel gebreek het. Die operasie om die enkel weer te heg is reeds gedoen. Ons vertrou dat sy weer volkome mag herstel. Die gips het hulle die afgelope week kon afhaal.

Ons dink in ons gebede aan br Harm Schoeman. Daar is 'n mate van verbetering. Ons gebed is dat daar net nog groter en meer verbetering mag kom.

OORSIGTELIK FINANSIËLE STAND VAN GEMEENTE

Dankoffers ontvang in vorige finansiële jaar	R552 063 -00
Totaal van dankoffers vir huidige boekjaar	R621 675-00
Totaal van dankoffers vir Jan 2023	R32 940
Totaal van dankoffers vir Feb. tot op hede	R35 480
Kermis inkomste vir 2022	R268 128- 64
Gemiddelde dankoffer per besoekpunt vir 11 maande	R911 per besoekpunt
Werklike inkomste vorige finansiële jaar	R 1 191 012-87
Werklike uitgawes vorige finansiële jaar	R 1 240 328-31
Ramings per lidmaat per jaar (ingesluit Klassis en Streeksinode)	R950-00

Voorsitter is oudl. Lukas Potgieter (079 695 0555)

DANKOFFERS

U kan die Bybelse beginsels en dit wat 'n prinsipiële uiteensetting van die opdrag tot 'n dankbaarheidslewe en dit wat ons dankoffers moet wees, van ons webwerf aflaai.

U kan dit aflaai by <http://bit.ly/2D0uRqf>

Laat ons asseblief met die nodige erns wat ons voor die Here hiermee moet werk dan wel hieraan aandag gee. Ons dankbaarheid voor die Here moet altyd eerste staan. **Ons het ook 'n nuwe artikel in die verband bygevoeg. Wyle ds. Ben Fourie het ook baie goed die saak kon uiteensit.** U kan dit lees by <https://bit.ly/3j1e2xT>

ALGEMENE KERKNUUS

GKSA NUUSBROKKIES

Gaan laai gerus nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0>

KATEGESE

Die kategeese het reeds op Sondag 22 Januarie geopen. Ouers en katkisante het besluit dat ons gaan voort met die werk waarmee ons verlede jaar besig was. Nuwe roosters is opgestel met die kategeese wat dan vandag ná die Algemene Sinode hervat. Die roosters kan afgelaai word by <http://bit.ly/2KhypYe>

Ons Hoërskool -katekisasie sal ons weer hierdie jaar elektronies die lesse hanteer en deurgee. Ons sal poog elke tweede week 'n nuwe les op te laai. Deurlopende kommunikasie en lesse sal op die WhatsApp groep hanteer word wat spesifiek vir ons Hoërskool – katekisasie geskep is. Ook as daar volwasse kategeese moet plaasvind sal dit op dieselfde groep dien. Al die lesmateriaal vir ons Hoërskool jeug is op ons webwerf beskikbaar. Die Geloofsleer boek waaruit hoofsaaklik gewerk word kan by <https://bit.ly/3RdpJDz> afgelaai word. Ons het verlede jaar tot by Les 17 gevorder. Ons vertrou om in die komende week dan Hoofstuk 18 in die boek te hervat.

BYBELSTUDIE - <https://youtu.be/TPKsvWDgnCs>

Ons het ons Bybelstudies rondom die groot tema van Gebede uit die Here se Woord afgesluit. Ons het na 30 gebede in die reeks gekyk. Die laaste Bybelstudie was 'n gebed van die Heilige Gees Self. *Amen, Kom Here Jesus* U kan in die Bybelstudie deel by <https://youtu.be/TPKsvWDgnCs>

HUIS JAN VORSTER (HJV)

Ons is dankbaar dat u die belange van hierdie tehuis ook in u hart, gebede en beursies met u saamneem.

PRETORIA FM OPNAMES (MAAK MY U WEË BEKEND) EN KATEGISMUS-PREDIKING

Uitsendings word op Sondag om 17h00 uitgesaai. Luisteraars kan in Postmasburg en in die grense van ons gemeente inskakel op TV oudiokanaal 887. U kan ook deur die internet luister by <http://www.pretoriafm.co.za>.

Daar is ook webgrepe (potgooie) van die program op Pretoria FM se webwerf. U kan daarna gaan by <http://bit.ly/2NuDyOX>

Daar is dele naby Postmasburg wat die stasie op die frekwensie 107.5 wel opgevang word.

Die program begin Sondag om 17h00 op die skottel by kanaal 887.

Sondag-aande is daar ook prediking vanuit die Kategismus wat deur verskeie leraars hanteer word. Dit begin om 19h00 en staan bekend as 'n Aand-Ateljeediens.

VSOD (VERENIGING VIR SENDING ONDER DUITSSPREKENDES)

Ons as gemeente is op 'n besondere wyse met die roeping en sendingwerk van dr. Victor d'Assonville in Duitsland verbind. Hy is deur ons ingevolge Artikel 7 Kerkorde beroep en na Duitsland gestuur. Hy is tans rektor by 'n Teologiese Skool in Duitsland. Laat ons voortdurend sy roeping en werk biddend voor die Here bring en dat dit geseënd mag wees. As u meer wil uitvind oor die kerklike toestande in Duitsland en die groot nood dat teologiese opleiding aldaar moet kan plaasvind gaan na www.vsod.co.za. Op Facebook kan u gaan na bit.ly/2OoU0nf

Die VSOD stel ons in Postmasburg in staat dat daar volhoubaarheid in die werk kan wees. As u dit oorweeg om ook finansiële tot hierdie baie groot opdrag by te dra, al is dit dalk net met 'n R100 per maand, kontak asb. vir dr. Petrus.

Ons dink ook aan die gevaarlike verwickelinge aan die Oos-Europese grens op die stadium. Daar is deur dr. d'Assonville al op 'n besondere wyse ook in die Oekraïne gewerk en na gereformeerdes in die geweste uitgereik. Ons dink aan ons mede-broeders en susters in die oorlogsgebeure in hierdie land.

Dit is met dankbaarheid dat ons besef daar is heelwat gemeentes en individue wat hierdie bediening volhoubaar ondersteun. Ons vertrou dat nog meer gemeentes betrek kan word.

ETIESE SAKE

Daar is 'n nuwe afdeling op ons webwerf bygevoeg met die bedoeling dat ons as gelowiges toegerus mag word om oor hierdie sake weer grondig na te dink en om onself daarvoor te verantwoord. Dit sluit in ou sake maar wat nuut oor gedink moet word. Onder andere ons beskouing oor ons huwelikslewe en gesinslewe. Dit gaan ook oor saamwoon vóór die huwelik.... U kan daarna gaan by <http://bit.ly/2Q0Ccw1>

KERKRAADSAKE

VERGADERINGS:

Diakonievergadering – Sondag 19 Februarie 2023 na die erediens
Kerkradsvergadering- Sondag 19 Februarie 2023 na die erediens
Dorkasvergadering- 19 Februarie 2023

KERKLIKE GEGEWENS

Gereformeerde Kerk Postmasburg
Posbus 74 Postmasburg
E-pos: admin@gksa-postmasburg.co.za
Tel: 053 313 3710

Landlyn Pastorie: Tel: 053 313 0571 **Nuwe selnommer 064 558 7204** (Oue werk ook nog!)

Predikant	Dr. Petrus Venter	084 704 2348	ds@gksa-postmasburg.co.za
Skriba	Oudl. Leendert Snyman	083 286 8496	leendert@webmail.co.za
Admin Beampste	Vakant	084 704 234 8	admin@gksa-postmasburg.co.za
Voorsitter: Diakonie	Diak. Johan Reinecke	082 579 8572	johanreinecke@yahoo.com
Koster	Br. Francois Marais	076 612 2255	
Kassier	Oudl. Lukas Potgieter	079 695 0555	lukaskathu@gmail.com
Sendeling	Dr. Victor d'Assonville	0049 1755063249	vicdas@rtsonline.de

Ons gemeente se webwerf en facebook-blad is soos volg:

<http://www.gkpostmasburg.weebly.com>

<http://bit.ly/2Ydk7wK>

STATISTIEKE VORIGE SONDAG

Erediens bywoning 29/1; 5/2	18; 17
Kollekte 5/2 (Diakonie)	R740-00
Kollekte 29/1; 5/2 (Deure)	R160-00; R283-00
Kollekte Dorkas susters 29/1	R 720-00
SnapScan en elektroniese bydraes diakonie	R200

GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Kerkkas	2130-3400-35
Diakonie	2130-28-0008
Dorkas-susters	407-382-6782



**Daar het weer 'n goeie voorraad hout ingekom wat in die Teekamer aangekoop kan word.
R25-00 per sakkie. Aankope van 20 of meer sakkies dan is prys R20-00 per sakkie ...**

**As die kortpad die beste was, sou die hoofpad daar
geloop het (CJ Langenhoven)**